



C O N C E L L O

D E

FORNELOS DE MONTES

(PONTEVEDRA)

D. JACOBO MANUEL RAYÓN CEDEIRA, Secretario-Interventor no Concello de Fornelos de Montes,

CERTIFICO:

Que o Pleno, en sesión ordinaria celebrada o día vinte e oito de abril de dous mil vinte e dous, adoptou, entre outros, o acordo do que o seu contido se transcribe na súa literalidade, a expensas do que resulte da aprobación definitiva da acta:

“

4º.- Expediente 208/2022. DECLARACIÓN INSTITUCIONAL ASUMINDO O COMPROMISO DE LOITAR CONTRA A FRAUDE NO CONCELLO DE FORNELOS DE MONTES.

Con motivo da aprobación, por Decreto de Alcaldía nº 60/2022 de 20 de abril de 2022, do Plan de Medidas Antifraude do Concello de Fornelos de Montes, preséntase no Pleno esta declaración institucional para a súa aprobación, como unha das medidas recollidas no devandito Plan, co seguinte teor literal:

“

Un dos principais obxectivos do Concello de Fornelos de Montes é reforzar, dentro do ámbito das súas competencias, a política antifraude no desenvolvemento das súas funcións. Por iso, o concello, a través desta declaración institucional, quere manifestar o seu compromiso cos estándares máis altos no cumprimento das normas xurídicas, éticas e morais e a súa adhesión aos máis estritos principios de integridade, obxectividade e honestidade, de maneira que a súa actividade sexa percibida por todos os axentes que se relacionan con ela como oposta á fraude e a corrupción en calquera das súas formas.

O persoal do concello, no seu carácter de empregados públicos, asume e comparte este compromiso tendo entre outros deberes os de “(...) *velar por los intereses generales con sujeción y observancia de la Constitución y del resto del ordenamiento jurídico, y deberán actuar con arreglo a los siguientes principios: objetividad, integridad, neutralidad, responsabilidad, imparcialidad, confidencialidad, dedicación al servicio público, transparencia, ejemplaridad, austeridad, accesibilidad, eficacia, honradez, promoción del entorno cultural y medioambiental, y respeto a la igualdad entre mujeres y hombres (...)*” (artigo 52 do Real Decreto Legislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público).

Pola súa parte, en relación cos cargos electos, dada a vinculación cos fins específicos perseguidos no Plan de medidas antifraude, é interesante lembrar as seguintes obrigas:

- Non utilizar a súa posición institucional para obter vantaxes persoais nin buscar vantaxes ou inconvenientes para ningunha outra persoa ou entidade.
- Xestionar eficientemente os recursos públicos, non empregando ningún ben público para intereses privados e absterse de realizar ningún tipo de negocio que, directa





C O N C E L L O

D E

FORNELOS DE MONTES

(PONTEVEDRA)

ou indirectamente, poida confrontar cos intereses públicos, evitando calquera conflito de intereses.

- Promover a equidade e a igualdade de trato.
- Absterse de utilizar as súas prerrogativas ou competencias institucionais co fin de axilizar procedementos, exonerar cargos ou conceder calquera tipo de beneficio.
- Promover a sustentabilidade, a igualdade, a eficiencia, a transparencia e a rendición de contas na acción pública.
- Non admitir agasallos ou servizos para o desempeño da súa función, salvo os de carácter protocolario.

O concello persegue con esta política consolidar dentro da organización unha cultura que desaliente toda actividade fraudulenta e que facilite a súa prevención e detección, promovendo o desenvolvemento de procedementos efectivos para a xestión destes supostos.

O concello porá en marcha medidas eficaces e proporcionadas de loita contra a fraude, baseadas na experiencia anterior e na avaliación do risco de fraude.

Así mesmo, procederá a denunciar aquelas irregularidades ou sospeitas de fraude que puidesen detectarse, a través das canles internas de notificación e sempre en colaboración co Servizo Nacional de Coordinación Antifraude. Todos os informes trataranse na máis estrita confidencialidade e de acordo coas normas que regulan esta materia.

En definitiva, o Concello de Fornelos de Montes adopta unha política de tolerancia cero coa fraude, establecendo un sistema de control interno deseñado para prever e detectar, no posible, calquera actuación fraudulenta e, no seu caso, emendar as súas consecuencias, adoptando para iso os principios de integridade, imparcialidade e honestidade no exercicio das súas funcións.....”.

Sometida a votación, apróbase pola unanimidade dos membros corporativos presentes (6 concelleiros do PSdeG-PSOE, 1 concelleiro do PP e 1 concelleira do BNG) a declaración institucional asumindo o compromiso de loitar contra a fraude no Concello de Fornelos de Montes.....”

O que se expide aos efectos oportunos, co visto e praxe do Sr. Alcalde, D. Emiliano Lage Rodríguez, en Fornelos de Montes, a doce de maio de dous mil vinte e dous.

O secretario-interventor

**Vº e praxe
O alcalde**

